

Xeerarka tajwiidka Qur'aanka

Qore CabdiRisaaq Maxamed Cilmi
"ina Warfaa"

Fiiro gaar ah: Fadlan tixgeli aayadaha Qur'aanka
ah ee qoraalkan la socda oo ha dhigin meel
dayacan.

Weli lama daabicin kitaabkan

Qof kasta ayaa xaq u leh inuu daabacdo kitaabkan
oo ma dhowrsana

La soo xiriirka qoraha ee ku saabsan kitaabka

Haddii aad xiiseyneysid kitaabkan oo aad dooneyid inaad ogaato sidii lagu heli lahaa, iyo haddii aad ku aragtid khaladaad, Eebbe kaliya ayaa dhamaystirane ha kaa abaal mariyo. Waxaad fadlan kala soo xiriiri kartaa cinwaanka qoraha kitaabkan bariidka xaasuubkiisa "e-mailkiisa" oo ah: ina_warfaa@hotmail.com.

Mahadnaq

Waxaan ugu horeyntii u mahadnaqayaa Eebbe, oo igu galadaystay nimcooyin tira badan oo aanan koobi karin. Ka dibna waxaan u mahadnaqayaa dhammaan dadkii igu caawiyey talo, fikrad iyo dhiiragalin, gaar ahaan Xaaji Xasan Maxamed Aaden. Waxaana idin leeyahay جزاكم الله خيرا .

Hordhaca qoraha

Waxaan ku bilaabayaa magaca Eebbaha
Naxariistaha guud Naxariistaha gaar.

Waxaa mahad iska leh Eebbe, nabadgalyadiisana
korkooda ha ahaato adoomadiisa uu doortay.

Kani waa xeerarka qurxinta aqriska Qur'aanka,

أحكام تجويد القرآن

ulajeedaydu waxay tahay in aan ugu dhawaado
Eebbe, aniga oo ugu qoraayo afka soomaaliga
axkaamta tajwiidka Qur'aanka, dadka jecel iney
bartaan, rabana iney u sii gudbiyaan caruurtooda.

Waxaana ku tala jiraa kitaabkan ka dib inaan soo
saaro labadan kitaab oo kala ah sheekooyinkii ugu
wanaagsanaa أحسن القصص, iyo taariikh nololeedkii
nebi Maxamed n.n.k. oo kooban iyo Asxaabtiisa r.
نبذة يسيرة في سيرة النبي و صحابته hadduu Eebbe
yiraahdo.

Waxaan ugu dambayntii Eebbe ka baryayaa in uu
aniga “qoraaga” kitaabkan iyo intii i caawisayba
uu miisaanka wanaagyadeena noogu daro maalin
aysan xoolo iyo caruur waxba tarayn.

Waxaa la yiri qofkii ugu horeeyey ee dejiya
cilmiga tajwiidka wuxuu ahaa Abuu Cumar Xafsa
binu Cumar Adduuriyyu, qofkii ugu horeeyay ee
qorana wuxuu ahaa Abuu Cubeyd Alqaasim binu
Salaam.

Qoraha
Helsinki sabti 24.12.1427 H. oo ku aaddan
13.1.2007 M.

Waxaan ku bilaabayaa magaca Eebbaha Naxariistaha guud Naxariistaha gaar

B) Qurxinta aqriska التجويد: Ujeedadiisa, diintu waxay ka qabto, hababka lagu baran karo iyo siduu u kala baxo.

Cilmiga tajwiidka waa aqoonta lagu garto sida loogu dhawaaqo erayada Qur'aanka. Xarfaha oo si quruxsan loo aqriyaa ayaa waxay ahayd qaabkii uu u aqrin jirey Rasuulkii Eebbe naxariis iyo nabadgelyo korkiisa ha ahaatee.

Ujeedada cilmiga tajwiidka waxay tahay in si wanaagsan loo barto aqrinta Qur'aanka ama waa in laga ilaaliyo carrabka gefka marka la aqrinayo Qur'aanka.

Cilmiga tajwiidka wuxuu yahay in loogu dhawaaqo xaraf kasta siduu yahay, iyo in xarfaha si quruxsan loogu dhawaaqo iyadoon waxba lagu darayn lagana dhimeynin si xunna loogu dhawaaqeyn.

Diintu waxay ka qabto barashada tajwiidka waxaa laga rabaa iney bartaan qaar ka mida muslimiinta .
فرض كفاية .

Diintu waxay ka qabto ku dhaqankiisa waa ku waajib ku kastaa oo muslin iyo muslimad ah oo yaqaan marka la aqrinayo Qur'aanka.

Habka loo barto cilmiga tajwiidka waa labo jaad:

- 1) Inuu ka dhegeysto macalin, waana habkii ay u baran jireen dadkii hore.
 - 2) Inuu u dhegeysto oo uu u saxo macalin.
- Waxaana wanaagsan in la kulansado labada hab.

Sidey u kala baxdo aqrinta saxda ah:

- 1) التحقيق: Waa in xarfaha loo aqriyo si sax ah, sida shaqalka dheer, hamzada sideeda loo aqriyo, shaqalada oo la dhameystiro, codka sankaa ee fudud in sidiisa loogu aqriyo ” الغنة ” xaraf kastaa goonidiisa loo aqriyo, xarfahana loo kala saaro iyadoo la hakinayo degdega jirin, laguna istaago istaagyada la ogol yahay iyo iyadoo la muujiyo xarfaha ama la iskuqabto xarfaha.

2) **الحدر**: Waa in loo aqriyo si degdeg ku jirto loona aqrinayo xeerarkii tajwiidka waafaqsanaa sida in xarfaha la muujiyo, la iskuqabto, shaqalka gaaban, shaqalka dheer, xarfaha oo sidooda loo aqriyo iyo astaamahooda.

3) **التدوير**: Waa in loo aqriyo hab dhexdhexaad u ah labadan hab ee kala ah **الحدر** iyo **التحقيق**

4) **الترتيل**: Waa in loo aqriyo Qur'aanka ukaadin, aan degdeg ku jirin, deganaansho iyo in loo aqriyo xaraf kastaa sidiisa, astaamihiisa iyo shaqalada dhaadheer.

T) **المشددتين** Xeerka miimka iyo nuunka labolaaban

1) Marka la aqrinayo miimka labolaaban waa in la muujiyo codka sankaa ” الغنة ” muddo qiyaastii labo xaraf ah sida: **أَمَّا، ثُمَّ، عَمَّ، أَمَّنْ.**

2) Marka la aqrinayo nuunka labolaaban waa in la muujiyo codka sankaa muddo qiyaastii labo xaraf ah sida: **{إِنَّ، إِنْ،} من الجنة والناس .**

J) Xeerka nuunka reebban
iyo laboshaqlanaha ” التتوين ”

1) الإظهار الحلقى: Muujinta hunguriga

الإظهار: Waa in loo aqriyo xarfka reebban sidiisa iyadoon la istaageyn, la hakaneyn iyo aan la adkeyneynin.

Xarafyadiisa: Hamzada, ha'da, ceynka, xa'da, geynka iyo kha'da, waana kuwan erayada soo socda kuwa ay ku bilaabanayaan ay yihiin:

(أخي هاك علماً حازه غير خاسر)

Xarfahaan ayaana loo yaqaan xarfaha hunguriga حروف الحلق , maxaa yeelay xarfahaasi dhawaaqooda wuxuu ka imaanayaa xagga hunguriga, sidaas darteed ayaa loogu magac darey xeerka muujinta hunguriga: الإظهار الحلقى.

Sida loogu dhawaaqo: Waxaa la muujinayaa nuunka reebban ama laboshaqlanaha ka hor: (Hamzada, ha'da, ceynka, xa'da, geynka iyo kha'da).

Tusaale:

ن + أ : {مِنْ آيَاتِنَا} ، {مَنْ أَرَادَ} ، {مَرَّةً أُخْرَى} ، {مِلْحٌ - 1} ، {أَجَاجٌ}.

2. {ن + هـ:} {عَنْهُمْ} ، {مِنْهُمْ} ، {إِنْ هُمْ}.

ن + ع : {إِنْ عُدْنَا} ، {أَنْعَمْتَ} ، {يَوْمَ عَسِيرٍ} ، {إِنَّمَا} ، {عَظِيمًا}.

1. {ن + ح:} {مَنْ حَوْلَهُمْ} ، {شَيْءٌ حَفِيظٌ} ، {أُسْوَةٌ حَسَنَةٌ}.

ن + غ : {مِنْ غَيْرٍ} ، {عَمَلٌ غَيْرٌ صَالِحٌ} ، {مَنْ عَذَابٍ} ، {غَلِيظٌ}.

3. {ن + خ:} {مَنْ خَلَقَ} ، {كُلَّ شَيْءٍ خَلَقَهُ}.

2) الإِدْغَام: Iskuqabashada waa ku qabashada nuunka reebban ama labashaqlanaha xaraf ka mida xarfaha iskuqabashada حروف الإِدْغَام iyagoo noqonaya xaraf kaliya oo labalaaban, kaas ayaa la yiraahdaa xarafka iskuqabashada.

Xarfaha iskuqabashada ee nuunka waa lix:

Waxaana kulmineysa erayga (يرملون).

Waxay u qeybsantaa iskuqabashada labo qeybood:

Qeybta koowaad: Kuqabashada iyadoo loo aqrinayo codka sankaa الإِدْغَامُ بِغَنَةِ: Waa marka ay kulmaan nuunka reebban ama labashaqlanaha xarfahan mid ka mida: (ينمو).

Sida loogu dhawaaqo: Waxaa lagu qabanayaa nuunka mana la aqrinayo, ee waxaa la labolaabayaa xarfka xiga, waxaana la muujinayaa codka sankaa oo loo aqrinayo xarfka labolaaban muddo qiyaastii labo xaraf ah.

Tusaale:

1. ن + ي: {إِنْ يَرَوْا} ، {فَتَهُ يَنْصُرُونَهُ} وتقرآن: "أَيُّرُوا" ، " " .
"فَتَنِّيْصُرُونَهُ".
2. ن + و: {مِنْ وَالٍ} ، {إِيمَانًا وَهُمْ} وتقرآن: "مَوَّال" ، " " .
"إِيمَانًا وَهُمْ".
3. ن + م: {مِنْ مَاءٍ} ، {صِرَاطًا مُسْتَقِيمًا} وتقرآن: "مِمَّاء" ، " " .
" صِرَاطًا مُسْتَقِيمًا".

ن + ن: {إِنْ نَحْنُ} ، {مَلِكًا يُفَاتِلُ} وتقرآن: "إِنْحَن" ، 4. "مَلِكُفَاتِل".

Fiiro gaar ah: Hadduu noqdo eray xarafka iskuqabashada nuunka reebban ka dib, ma la iskuqabanayo, ee waa in la muujiyaa nuunka reebban, waana laga helayaa Qur'aanka taasi iyadoo afar eray ah:

{دُنْيَا} ، {قَتْوَان} ، {بُنْيَان} ، {صِيُون}.

Fiiro gaar ah: Labo meel oo ka mida Qur'aanka kariimka ayaa la muujiyaa nuunka reebban woowga hortiis mana la iskuqabto waxayna kala yihiin: {يس والقرآن الحكيم} waxaa loo aqrinayaa: "ياسين والقرآن الحكيم" {ن والقلم} waxaa loo aqrinayaa: "نون والقلم".

Qeybta labaad: Kuqabashada iyadoon loo aqrineynin codka sanka: Waa marka nuunka reebban ama labashaqlanaha uu noqdo ka hor xarafka laamka iyo ra'da.

Tusaale:

1. {ن+ل:} {أَنْ لَوْ} oo waxaad u aqrineysaa: " أَلُو "
 {أَنْدَادًا لِيُضِلُّوْا} oo waxaad u aqrineysaa: " أَنْدَادًا لِيُضِلُّوْا "
 "

2. {ن+ر:} {مِنْ رَبِّ} oo waxaad u aqrineysaa: " مَرَّبٌ "
 {بَشَرًا رَّسُولًا} oo waxaad u aqrineysaa: " بَشَرًا رَّسُولًا "
 "

3) الإقلاب: Waa in loo rogo nuunka reebban ama labashaqlanaha miim ka hor ba'da iyadoo lagu aqrinayo codka sankaa.

Xarafka: ba'da

Sida loo aqrinayo: Markey noqoto nuunka reebban ama labashaqlanaha ka dib ba', hadday noqon lahayd eray ama laba eray, waxaa loo aqrinayaa nuunka miim, waxaa loogu aqrinayaa codka sankaa miimka muddo qiyaastii labo xaraf ah.

Tusaale:

1. {من بعد} Waxaad u aqrineysaa: " مِمَّعَد " .

2. {بسلطان مبین} Waxaad u aqrineysaa: " بسلطنمبین "
3. {سمیع بصیر} Waxaad u aqrineysaa: " سمیعمبصیر "
4. {بشراً مبین} Waxaad u aqrineysaa: " بشرمبین "
5. {لینبذن} Waxaad u aqrineysaa: " لیمبذن "
6. {أنباء} Waxaad u aqrineysaa: " أمباء "

4) الإخفاء: Qarinta waa qaab u dhexeeya muujinta الإظهار iyo iskuqabashada الإدغام mana la adkeynayo iyadoo loogu aqrinayo codka sankaa xarafka ugu horeeya.

Xarfyadiisa: Waa xarfaha alif ba'da kale waxaan ka ahayn xarfaha muujinta حروف الإظهار, isku qabashada الإدغام iyo xarafka rogidda حرف الإقلاب waana kuwa ay ku bilaabmaan tuduca soo socda:

صِفْ دَا تَنَّاكُمُ جَاءَ شَخْصٌ قَدْ سَمَا دُمٌ طَيِّباً زِدْ فِي تَقَى ضَعُ ظَالِماً

Sida loo aqrinayo: Markuu noqdo xarafka qarinta حرف الإخفاء nuunka reebban ama labashaqlanaha ka dib nuunka waxaa loogu dhawaaqayaa iyadoo laga maqlayo sanku mana la adkeynayo, mana la adkeynayo xarafka qarinta ee ku xiga. Wuxuuna noqonayaa qarinta eray ama laba eray.

Tusaale:

1. ص: {اِصْرُنَا}، {وَلَمَنْ صَبَرَ}، {بِرِيحٍ صَرْصَرَ}، {وَنَخِيلٌ}، {صِيَوَانٌ}.
2. ذ: {مَنْذٌ}، {مَنْ ذَا}، {وَكَيْلًا ذَرِيَّةً}، {ظَلَّ ذِي}.
3. ث: {الْأَثَى}، {أَنْ تَبْتَكَ}، {شَهِيدًا ثَمَّ}، {نَطْفَةٌ ثَمَّ}.
4. ك: {فَانكحُوا}، {وَإِنْ كَانَتْ}، {عَلَوًا كَبِيرًا}، {شَيْءٌ كَذَلِكَ}.
5. ج: {أَنْجِينَاهُ}، {مَنْ جَاءَ}، {رُطْبًا جَنِيًّا}، {فَصَبْرٌ جَمِيلٌ}.
6. ش: {أَنْشُرَهُ}، {مَمَّنْ شَهِدَ}، {جَبَارًا شَقِيًّا}، {رُكْنٌ شَدِيدٌ}.
7. ق: {تَنْقَمُونَ}، {مَنْ قَبِلَ}، {رَزَقًا قَالُوا}، {عَذَابٌ قَرِيبٌ}.
8. س: {الْإِنْسَانُ}، {وَلَمَّا سَأَلْتَهُمْ}، {قَوْلًا سَدِيدًا}، {فَوْجٌ}، {سَأَلْتَهُمْ}.

9. {د: {أنداداً}، {وما من دابة}، {كأساً دهاقاً}، {يومئذ دُبره}.
10. ط: {انطلقوا}، {من طبيبات}، {حلالاً طيباً}، {كلمة طيبة}.
11. ز: {أنزل}، {فإن زللتم}، {نفساً زكية}، {يومئذ}، {رزقاً}.
12. ف: {ينفقون}، {فان فاءوا}، {عاقراً فهب}، {لا تية فاصفح}.
13. ت: {أنت}، {وان تصبروا}، {حلية تلبسونها}، {يومئذ تُعرضون}.
14. ض: {منضود}، {ومن ضل}، {قوماً ضالين}، {قوة ضعفاً}.
15. ظ: {انظروا}، {من ظهير}، {ظلاً ظليلاً}، {سحاب ظلمات}.

Labaa fiiro gaar ah:

- 1) Marka la qarinaldo waa in loo qariyo xarafka ku xiga nuunka reebban ama labashaqlanaha.
Waxaana lagu ogaanayaa xarafka iyadoo laga

dhigayo hamzo ka hor xarafkan iyo xarafkoo la reebo.

Tusaale:

أَصْ، أَذْ، أَثْ، أَكْ، أَجْ، أَشْ، أَقْ، أَسْ، أَذْ، أَطْ، أَرْ، أَفْ، أَتْ، أَضْ، أَظْ.

2) Waxay yeelanaysaa qarinta astaanta xarafka ku xiga nuunka reebban, micnaheedu waxay tahay qarintu waa la adkeynayaa hadday tahay xarafka ku xigta nuunka reebban ama labashaqlanaha mid la adkeeyay.

Tusaale: {من طبيبات}.

Hadduu yahay xarafka ku xiga nuunka reebban ama labashaqlanaha mid la fududeeyay, markaasina qarintu waxay noqoneysaa mid la fududeeyay.

Tusaale: {من ذا الذي}.

X) Xeerarka miimka reebban

1) الإخفاء الشفوي: Waa in ay tahay miimka reebban erayga dhamaadkiisa, uuna ku xigo xarafka ba'da, markaasina waxaa lagu qarinayaa miimka reebban ba'da iyadoo lagu aqrinayo codka sankaa.

Tusaale: {أنتم به}, {ترميهم بحجارة}, {وهم بالآخرة}.

2) الإدغام الشفوي: Waa in ay tahay erayga u dambeeya miimka reebban uuna ku xigo miim shaqlan, markaasina lagu qabto miimkii reebbanaa kii shaqlanaa oo ay noqdaan hal miim oo labalaaban "مشددة" oo la muujinayo iyadoo lagu aqrinayo codka sankaa.

Tusaale: {في قلوبهم مرض} Waxaad u aqrineysaa: "في قلوبهم مرض".

{جاءكم من} waxaad u aqrineysaa: "جاءكم من".

{أزواجهم مثل} waxaad u aqrineysaa: "أزواجهم مثل".

3) الإظهار الشفوي: Muujinta dhawaaqa waa inuu noqdaa xarafka miimka reebban ka dib xarfaha

alif ba'da waxaan ka ahayn ba'da iyo miimka hal eray ama laba eray.

Aad ayaana loo muujinayaa woowga ama fa'da ka dib, iyadoo miimka iyo woowga isku si loo aqrinayo ayna u dhowdahay sida loo aqrinayo fa'da.

Tusaale:

{ذلكم خير لكم} ، {وإن كنتم على} ، {ولكم فيها} ، {عليهم ولا} ،
{الضالين} ،

{عليهم فيها} ، {ذلكم حكم} .

Kh) Iskuqabashada

1) إدغام المتماثلين: Waa markay kulmaan labo xaraf oo isku mida bilowgiisu yahay reeb kan labaadna yahay shaqal ayaa lagu qabtaa kan hore midka labaad.

Tusaale:

{ما لكم من} ، {من نزل} ، {بل لا} ، {ما كانت تعبد} ، {اضرب} ،
{بعصاك} .

{ اذهب بكتابي } ، { يدر ككم } ، { إذ ذهب }.

Fiirooyin gaar ah:

1) Waa la ogol yahay iskuqabashada iyo muujintaba iyadoo la hakinayo. Muujinta ayaana la doorbidaa hadalka Eebbe kor ahaaye:

[مَا أَغْنَىٰ عَنِّي مَالِيهِ * هَلْكَ عَنِّي سُلْطَانِيهِ { الحاقة: 28-29}]

oo marka la aqrinayo waa la iskuqabtaa " ما ليهلك " ama waa la muujiyaa { مَالِيهِ * هَلْكَ } oo waxaa lagu istaagaa ha' da koowaad istaagni fudud adigoon neefsaneyn.

2) Hadduu yahay xarafka koowaad woow ama ya' uuna ka dambeeyo kuwo la mida oo shaqlan, markaasi la iskuqaban maayo.

Tusaale: { آمنوا و عملوا } ، { الذي يوسوس }.

3) Hadduuse yahay kan hore xaraf fudud, oo waa la iskuqabanayaa kuwa isku midka ah.

Tusaale: {والذين آووا ونصروا} oo waxaad u aqrineysaa: "آوَوْ نصروا".

2) **إدغام المتجانسين:** Waa marka labada xaraf isku qaab loo aqrinayo ayna ku kala duwan yihiin astaanta, waana xarfahan:

B) Ta'da reebban: Waxaa lagu qabanayaa ta'da reebban- iyadoon lagu aqrineyn codka sankaa- laba meel: Hadduu noqdo deel ama dha'.

1. {ت+د} {أثقلت دعوا} Waxaad u aqrineysaa: "
{أجيبت دعوتكما} {أثقلند دعوا} Waxaad u aqrineysaa: "
"أجيبند دعوتكما"

2. {ت+ط} {همت طائفتان} Waxaad u aqrineysaa:
{قالت طائفة} {هممطائفتان} Waxaad u aqrineysaa:
"قالطائفة".

T) الدال الساكنة: Waxaa lagu qabanayaa deelka reebban –iyadoon lagu aqrineyn codka sankaa – hadduu noqdo ka dib ta'.

Tusaale:

1- {قَدْ تَبَيَّنَ} {د+ت:} Waxaad u aqrineysaa: "قَتَّبِين".
 Iyo {وَمَهَّدْتُ} waxaad u aqrineysaa:
 "لَقَدْ كُنْتُ {وَمَهَّتْ} Waxaad u aqrineysaa: "لَقَدْ كُنْتُ".

J) **البياء الساكنة**: Waxaa lagu qabanayaa ba'da reebban miimka ka dambeeya iyadoo lagu aqrinayo codka sanku, hal meel ayaana laga helayaa Qur'aanka waana:

{يا بني اركب معنا} [هو: 42] Waxaad u aqrineysaa: "اركعنا".

X) **الذال الساكنة**: Waxaa lagu qabanayaa الذال reebban – iyadoon lagu aqrineyn codka sanku – hadduu noqdo ka dib xarafka **الظاء**:

Tusaale:

1- {اذ ظلمتم} {ذ+ظ:} Waxaad u aqrineysaa: "اظلمتم".

Kh) **الثاء الساكنة**: Waxaa lagu qabanayaa الثاء reebban – iyadoon lagu aqrineyn codka sanku – hadduu noqdo ka dib xarafka **الذال**.

Tusaale:

1- { يلهثُ ذلك } : ذ + ث Waxaad u aqrineysaa: " يلهثُ ذلك "

D) الطاء الساكنة: Waxaa lagu qabanayaa الطاء reebban – iyadoon lagu aqrineyn codka sanku – hadduu noqdo ka dib xarafka ta'da.

Tusaale:

1- { أحطت } : ط + ت Waxaad u aqrineysaa: " أحطت " { بسطت }. Waxaad u aqrineysaa: " بسطت " { فرطتم }. Waxaad u aqrineysaa: " فرطتم " .

Fiiro gaar ah: Sideeda ayey ugu ahaaneysaa qaabkan astaanta adkeynta الطاء lagula qabtey, sidaas darteedna waxaa loogu yeeraa iskuqabashada dhiman.

3) إدغام المتقاربين: Hadday isu soo dhawaadaan labo xaraf sida loogu dhawaaqo iyo astaantooda, uuna yahay labadooda kan horeeya mid reebban, waa in lagu qabtaa kan labaad – iyadoon lagu aqrineyn codka sanku – taasina waa labadan qaab.

Tusaale:

1) Laamka ayaa lagu qabanayaa ra'da sida:
{قُلْ رَبِّ} waxaad u aqrineysaa: "قُرْبٌ"

2) Qaafka ayaa lagu qabanayaa kaafka sida:
{الْمُ نَخَلْتُمْ} Waxaad u aqrineysaa: "نَخَلْتُمْ".
Waxaa la ogol yahay qaabkan iney ahaato astaanteedda adkeynta qaafka, wuxuuna noqonayaa iskuqabasho dhiman ama waa laga tegayaa astaantan oo wuxuu noqonayaa iskuqabasho dhameystiran.

Waxaana la muujinayaa dhammaan xarfaha reebban kuwaa soon lahayn xeerar u gooni ah markey isku xigaan, waana in la ogaadaa iney tahay in la muujiyo xarfahan soo socda:

1) ضاد "Laadka" reebban uu ku xigo طاء "dha'
sida: {ممن اضطر}.

2) ضاد "Laadka" reebban uu ku xigo ta'da sida:
{فإذا أفضتم}.

3) ظاء Reebban uu ku xigo ta'da sida:

{سواءً علينا أو عظت}.

4) Deelka reebban uu ku xigo kaafka sida:
{لقد كدت}.

Xeerka laamka qodobka آل ee gartada:

Wuxuu leeyahay laamka qodobka gartada ee ay qaataan magacyada laba xeer uu yahay kan hore in la muujiyo ka hor xarfaha dayaxa الأحراف القمرية kuwaas oo ay yihiin xarfahan: "ابغ حجك وخف عقيمه"
Kan labaadna uu yahay in la iskuqabto ka hor xarfaha qoraxda الأحراف الشمسية xarfahaas oo ay yihiin xarafyada ugu horeeya erayada tuducan:

طب ثم صل رحماً تفرّج صف ذا نعم دع سوء ظن زر شريفاً للكرم

D) Shaqalada dhaadheer المدود

المد: Waa shaqalka dheer.

Xarfaha shaqalka dheer ee saddexda ah:

Alifka reebban ee kordhaban xarafka ka horeeya
:أ.

Woowga reebban ee godan xarafka ka horeeya

:و.

Ya'da reebban ee hoosdhaban xarafka ka horeeya

:ي.

Xarfahan sadaxda ah waxay ku jiraan hal kan eray

oo ah: نوحيا.

B) Qeybaha shaqalka dheer

1) المد الطبيعي أو الأصلي: Waa shaqalka dheer ee caadiga ah, mana lagu istaagayo hamzada oo ka dambeysa darteed ama reeb, sida: نوحيا.

Qiyaastana shaqalkiisa dheer waa labo xaraf, lamana ogola in laga kordhiyo ama laga dhimo laba xaraf.

2) المد الفرعي: Waa wixii lagu kordhiyo shaqalka dheer ee caadiga ah, waxaana ugu wacan inuu ku xigo xarafka shaqalka dheer hamzo ama reeb. Hamzada iyo reebka ayaa ugu wacan shaqalka dheer ee aan caadiga ahayn, sidaas darteed shaqalka dheer ee aan caadiga ahayn waa labo jaad: Shaqalka oo loo dheereenaayo hamzada

darteed, iyo shaqalka oo loo dheereenaayo reebka dartiis.

1) Shaqalka oo loo dheereenaayo hamzada darteed:

B) Hadduu yahay hamzada ka hor xarafka shaqalka dheer waxaa la yiraahdaa shaqalka dheer ee la bedeley **مد البدل**: magacaas beddelna wuxuu u qaatay xarafka shaqalka dheer lagu bedeley darteed hamzada reebban.

Tusaale: {ءامنوا} ، {أيماناً} ، {أوتوا}.

T) Hadduu yahay hamzada xarafka shaqalka dheer ka dib: Waa labo jaad:

المد المتصل: **Shaqalka dheer ee ku dheggan** waa marka hal eray ay ku wada jiraan xarafka shaqalka dheer uu ka dambeeyo hamzada ayaa loogu yeeraa shaqalka dheer ee waajibka ah ee ku dheggan. Waxaana la dheereenayaa shan xaraf.

Tusaale:

{ إذا جاء نصر الله والفتح } ، { وأحاطت به خطيئته } ، { سوء } ، { العذاب }.

المدم المنفصل: Shaqalka dheer ee ka go'an waa marka uu yahay xarafka shaqalka dheer erayga dhamaadkiisa, hamzadana ay ku jirto eray kale oo ku xiga, markaas waxaa loogu yeeraa shaqalka dheer ee la ogol yahay. Waxaana la dheereenayaa shan xaraf, waanna ku soo gaabin karnaa labo xaraf.

Tusaale: { يا أيها } ، { الذي أنزل } ، { توبوا إلى الله }.

Fiiro gaar ah: Lama ogola in la dheereeyo alifka erayga (أنا) meel kasta oo ay ku jirto, waxaan ka ahayn qaabka istaagga حالة الوقف , sida:

{ قال أنا أحي وأميت } ، { وأنا أعلم }.

2) Shaqalka oo loo dheereenaayo reebka dartiis:
Waana labo jaad:

B) سكون عارض: Reeb lama filaan waa inuu ahaado xarafka u dambeeya kan ka horeeya ee erayga

xarafka shaqalka dheer, xarafka ugu dambeeyana uu yahay shaqal, haddii la sii aqriyo lana gaaro erayga ka dambeeya wuxuu noqonayaa shaqalka dheer mid caadi ah, haddiina lagu istaago xarafka ugu dambeeya reeb ahaan wuxuu noqonayaa shaqalka dheer ee ka horeeya xarafka ugu dambeeya shaqal dheer reebka lama filaanka dartiis waxaana loogu yeeraa: Shaqalka dheer ee lama filaanka ee reebban. Waxaa la dheereenayaa lix xaraf, ama afar ama labo.

Tusaale:

{إن الله شديد العقاب} ، {قد أفلح المؤمنون} . {الحمد لله رب العالمين}.

T) **Reeb lagama maarmaan** waa inuu ku jiraa hal eray xarafka shaqalka dheer ka dib reeb lagama maarmaan ah iyadoo la aqrinayo laguna istaagayo, qiyaastiisa la dheereynayana waa lix xaraf. Waana labo jaad:

1- **Eray ahaan** waa inuu ku jiraa xarafka shaqalka dheer ka dib xaraf reebban, haddii lagu qabto (uu yahay xarafka ka dambeeya shaqalka

dheer mid la adkeeyay) ayaa loogu yeeraa mid la cusleeyay.

Sida: {ولا الضالين}، {الحاقة}، {دابة}.

Waxaana lagu lifaaqayaa shaqalka dheer waana markuu qaato hamzada weydiinta magac lagu garanaayo: Qodobka "ال" ee gartada, oo lagu beddelo alifka qodobka "ال" ee gartada alif shaqal dheer ah si uu u kala bixiyo weydiinta iyo sheegtada الخبر .

Tusaale: {الدّٰكرين}، {قل ۞ الله اذن لكم}، {۞ الله خير ۞ اما} {تشركون} haddaan lagu qaban (uu yahay xarafka ka dambeeya shaqalka dheer mid reebban oo aan la adkeyn) ayaa loogu yeeraa mid la fududeeyay.

Tusaale: {الآن وقد}.

2-الحرفي: Xaraf ahaan waxay ku bilowdaan Suuradaha Qur'aanka qaarkood, xarfahaas hadday ka kooban yihiin saddax xaraf, xarafka dhexda ah waa xarafka shaqalka dheer kan saddaxaadna waa reeb. Xarfahaas oo la kulmiyeyna waa: {بل كم نقص} haddii lagu qabtana waxaa loogu yeeraa mid culus.

Tusaale: {الم}، {المر}، {طسم}.

Haddaan la iskuqabanna waxaa loogu yeeraa mid fudud.

Tusaale: {ن والقلم}، {ق والقرآن}، {المص}.

Fiiro gaar ah: Xarafka ceynka ee lagu bilaabo Suuradaha waa la ogol yahay in la dheereeyo lix xaraf, waana la ogol yahay in la dheereeyo afar xaraf maxaa yeelay ya'da ma aha xaraf la dheereeyo ee waa xaraf jilicsan.

T) لواحق المد Lifaagyada shaqalka dheer

1- **مد العوض:** Wuxuu noqonayaa marka lagu istaago labashaqlanaha lafalaha ah المنصوب erayga dhamaadkiisa, oo waxaa loo aqrinayaa alif ahaan halkii labashaqlanaha, waxaana la dheereenayaa qiyaastii labo xaraf, haddaan lagu istaaginna lama dheereynayo.

Tusaale: {أجرأ عظيماً}، {عفوأ غفورأ}، {إلا قليلاً}.

Waa in shaqalkaasi dheer uu ahaadaa xarafka
 labashaqlan mid aan ahayn ta' yarada التاء المربوطة
 iyo alifka gaaban الألف المقصورة

2- **مد التمكين**: Shaqalka dheer ee adkeynta waa labo
 ya' midkooda hore uu yahay mid la adkeeyay oo
 la hoosdhabay kan labaadna waa reebban yahay,
 waxaana loogu yeeraa shaqalka dheer ee adkeynta
 maxaa yeelay marka la aqrinayo waa la
 adkeynayaa xarafka labolaaban dartiis, waxaana
 la dheereynayaa qiyaastii labo xaraf.

Tusaale: {حَيْتَم}، {النَّبِيِّن}.

3. **مد اللين**: Shaqal dheerka jilicsan waa shaqal
 dheerka labada xaraf ee shaqal dheerka: Ya'da iyo
 woowga reebban, ee kordhoban waxa ka horeeya,
 reebkana waxa ka dambeeya reeb lama filaan
 qaabka istaagga.

Waxaana la dheereynayaa labo xaraf ama afar,
 ama lix.

Tusaale: {قَرِيْش}، {عَلِيْه}، {الْبَيْت}، {خَوْف}.

4) **مد الصلة** Wuxuuna u qeybsamayaa mid weyn iyo mid yar:

B) مد الصلة الكبرى Waa shaqalka dheer ee ha'da magac uyaalka maqan ee keliga labka ah ee godan ama hoosdhaban ee noqota labo shaqlan dhexdooda (uu yahay xarafka ka horeeya isla erayga uu shaqlan yahay, xarafka ka dambeeyana erayga ku xigana uu yahay mid shaqlan sidoo kale) Waxaana loo dheereynayaa aad ha'da godan si ay u noqoto woow dheer ama waxaa la dheereynayaa ha'da hoosdhaban si ay u noqoto ya' dheer, Waxaana la dheereynayaa shan xaraf, waxaana lagu soo gaabin karaa labo xaraf oo kala go'an, waana hadduu ka dambeeyo hamzo.

Tusaale: {وهو يحاوره أنا}، {وله أجر}، {به أحداً}.

T) مد الصلة الصغرى Waa shaqalka dheer ee ha'da magac uyaalka maqan ee keliga labka ah... waxaana la dheereynayaa qiyaastii laba xaraf hadduusan ka dambeyn hamzo.

Tusaale:

{أعذبه عذاباً}، {قلته فقد علمته}، {بكلمته ويقطع}.

Wixii ka baxsan lama dheereynayo:

{يرضه لكم} [الزمر: 7].

Fiiro gaar ah: Waxaad u aqrineysaa:

{فيه مهانا} [الفرقان: 69] Shaqal dheer oo socda ka soo horjeeda qiyaasta, inkastoo aysan noqon laba shaqlan dhexdood.

Digniin: Hadday kulmaan laba shaqal dheer oo isku jaad ah qaabka aqrinta waa in la simaa labadooda.

Waxaa la kulma ka go'an mid la mida, ama wuxuu la kulmaa shaqalka dheer ee socda ee weyn, hase ahaatee shaqalka dheer ee lama filaanka ee reebban ama jilicsan in la simo ma aha, hadday tahay lama filaan la kulma mid la mida, mid jilicsan oo la kulma mid la mida iyo lama filaan la kulma mid jilicsan toona.

Tusaale:

- 1) Hadalkiisii Eebbe kor ahaaye: {من السماء ماء}.
- 2) Hadalkiisii Eebbe kor ahaaye:

{فقالوا أبشراً منا واحداً نتبعه إننا إذا}

Fiirooyin gaar ah oo guud:

1) Shaqalada dhaadheer sidey u kala xoog badan yihiin:

اللازم Lagama maarmaanka, المتصل kan ku dheggan, العارض للسكون lama filaanka reebban, المنفصل kan ka go'an, البدل beddelka.

2) Hadday kulmaan laba sabab oo ka mida sababaha shaqalka dheer ee xooggan iyo aan xoogganeyn, waa la xoojinayaa, sida:

{ولا آمين}: Shaqal dheerka beddelka iyo shaqal dheerka lagama maarmaanka, waxaa lagu dhaqmayaa midka lagama maarmaanka sida:

{وجاءوا أباهم}: Beddelka iyo kan ka go'an, waxaa lagu dhaqmayaa kan go'an.

3) Hadduu noqdo xarafka shaqal dheerka erayga dhamaadkiisa, uuna ka dambeeyo xaraf reebban,

waxaa laga tegayaa xarafka shaqal dheerka,
markuu yahay dhejisada sida:

{وقالوا اتخذوا الجحيم} ، {حاضري المسجد الحرام}.

R) Xeerarka ra'da

Waa in la iska ilaaliyo soo celcelinta erayga ra'da.
Sida layskaga ilaalinayo soo celcelinta waa in lagu qabto carabka qeybtiisa kore dhabxanaga meesha ugu sareysa, iyadoo xoog loogu qabanayo, lana aqrinayo ra'da mar kaliya.
Ra'da waxaa loo aqriyaa laba qaab: Fududeynta iyo weyneynta:

التفخيم: Weyneynta waa xarafka oo cod weyneyn leh loogu dhawaaqayo.
xarafyadiisa: (خُصَّ ضَعْفُ قِطِّ) waxaana loogu yeeraa xarfahan sidoo kale حروف الاستعلاء .
Ra'da waxaa la weyneynayaa:

1) Hadday kordhoban tahay ama godan tahay sida: {رَبَّنَا} ، {رُزُقْنَا}.

2) Hadday reebban tahay uuna ka horeeyo kordhow ama god (muhiim ma aha reebka kala haya) sida: {خردل}، {القدر}، {الأُمُور}.

3) Hadday reebban tahay uuna ka horeeyo hoosdhow lama filaan ah sida:

{ارْجِعُوا إِلَىٰ أَبِيكُمْ}، {أَمْ أَرْتَابُوا}، {لِمَنْ ارْتَضَىٰ}.

4) Hadday reebban tahay uuna ka horeeyo hoosdhow asal ah uuna ka dambeeyo xarfka weyneynta aan hoosdhowneyn ayna tahay hal eray sida: {مِرْصَادًا}، {قِرْطَاسٌ}، {فِرْقَةٌ}.

الترقيق: Fududeynta waa xarfka oo cod fudeyd leh loogu dhawaaqayo.

Xarfyadiisa: Waa xarfaha alif ba'da oo dhami waxaan ka ahayn xarfaha weyneynta, waxaana loogu yeeraa sidoo kale حروف الاستفال .

Ra'da waxaa la fududeeyaa:

1) Hadday hoosdhaban tahay sida: {رِزْقًا}.

2) Hadday reebban tahay uuna ka horeeyo ya'da reebban sida: {خَيْرٌ}، {قَدِيرٌ}.

3) Hadday reebban tahay uuna ka horeeyo hoosdhow (muhiim ma aha reebka kala haya) uusan ka dambeyn xarafka weyneynta aan ahayn hoosdhow sida: {أَنْذَرَهُمْ}، {فِرْعَوْنَ}، {مَرْيَةَ}، {السَّحْرَ}.

جواز الترقيق والتفخيم Waa la fududeyn karaa waana la weyneyn karaa

1) Haddii la reebo ra'da erayga dhamaadkiisa, reebkana uu yahay kala hayaha reebka iyo hoosdhowga uu u dhexeeyo xaraf la weyneynayo oo reebban sida: {مِصْرَ} {قَطْرَ}.

2) Hadday ra'du reebban tahay, uuna ka horeeyo hoosdhow asal ah, uuna ka dambeeyo xarafka weyneynta oo hoosdhaban, waa la fududeyn karaa waana la weyneyn karaa sida: {فِرْقَ}.

3) Marka lagu istaagayo erayadan: {فَأَسْرَ}، {أَنْ أَسْرَ} Waa la fududeyn karaa waana la weyneyn karaa meelaha ay kaga jiraan Qur'aanka. Sidoo kale eraygan {يَسْرَ} iyo eraygan {وَأَنْدَرَ}.

Fiiro gaar ah: Xarfaha weyneynta sidey u kala weyn yihiin:

ضاد، صاد، ظاء، قاف، غين، خاء.

Xarfaha weyneynta kan u weyn waa hadduu kordhoban yahay xarafka weyneynta, uu ka dambeeyo alif sida: {طائفة} dabadeed kordhoban yahay uuna ka dambeyn alif sida: {طَبَعَ}, dabadeed godan yahay sida: {طُوبًا}, dabadeed hoosdhaban yahay sida: {طِبُّم}.

S) صفات الحروف Astaamaha xarfaha

تعريف الصفة Qeexidda astaanta: Waa astaanta xarafka uu kaga duwan yahay xarfaha kale sida kor u qaadidda الجهر , adkeynta الشدة iwm. Waxayna u qeybsantaa labo qeybood:

الأول: الصفات التي لا ضد لها Kan koowaad astaamaha aan lahayn wax ka soo horjeeda:

1- الصفير: Waa codka dheeraadka ah ee uu qaato xarfahiisa saddaxda ah "siis", waxaana loogu magac darey الصفير, sababtuna waxay tahay waxay u cod eg yihiin codka shimbirta. Saddaxdiisa xarafna waa (ص، س، ز).

2- القافلة: Waa codka oo isku qasma marka la aqrinayo xarafka reebban si loo maqlo xarafka adkaantiisa, waxaana keena xarfaha adkaantooda isku qasankaasi marka la aqrinayo ayaa kor loo qaadaa lana adkeeyaa, xarfaheedana waa:

(فُطِبُ جَدٍ).

Xarfaha isku qasma marka la aqrinayo القافلة tan ugu sareysa waa طاء , tan u dhexeysana waa جيم , inta kalena waa ugu hooseeyaan. Waana in aad loo muujiyaa marka lagu istaagayo, Gaar ahaanna marka lagu istaagayo xarafka labalaaban sida: {بالحق}.

Tusaale:

{مريج} {يَجْعَلُونَ}

{بعيد} {يَذْعُونَ}

{واق} {يَقْطَعُونَ}

{محيط} {يَطْمَعُونَ}

{عذاب} {لَنْبِلُونَ}

3- **اللين: Jilicsan** waa marka xarafka loo aqrinayo si jilicsan aan lagu adkeyn carabka sida:

{البيت}، {خوف}. Xarafyadiisana waa woowga iyo ya'da ayna kordhaban yihiin wixii ka horeeya labadooda.

4- **الانحراف:** Waa xarafka oo loogu dhawaaqo sidii xaraf kale, laamka waxaa si kale loogu dhawaaqaa carabka dhinaciisa, ra'dana waxaa si kale loogu dhawaaqaa carabka korkiisa, xarfahiisana waa laamka iyo ra'da.

5- **التكرير:** Waa marka xarafka carabka madaxiisa dib loogu aqriyo, ra'da ayaana looga dhigaa astaan ay qaadan karto, hadday labolaaban tahay, dabadeed ay reebban tahay. Xarafka soo noqnoqdana waa ra'.

Waana in laga dheeraadaa soo celcelinta ra'da, adigoo ugu qabanaysid si adag carabka korkiisa dhabxanaga meesha u sareysa markaad ku dhawaaqeysid, kolkaas oo aad ku dhawaaqeysid ra'da mar kaliya aadan ku celineyn carabka mar kale.

6-التفشي: Waa in neefta ay ka soo baxdo inta u dhexeysa carabka iyo dhabxanaga oo marka xarafka lagu dhawaaqayo neefta soo baxdo. Xarafkiisa kaliya waa shiin.

7-الاستطالة: Waa codka oo lagu dheereeyo dhinaca carabka hore ilaa dhamaadkiisa. Xarafkiisa kaliya waa ضاد .

الثاني: الصفات التي لها ضد Kan labaad astaamaha leh wax ka soo horjeeda:

1-الهمس والجهر: Hoos u dhigidda xarafka iyo kor u qaadidda xarafka:

Xarfaha hoos u dhigidda waa tobankan xaraf ee isla socda: فحنته شخص سكت.

Xarfaha kor u qaadidda waa xarfahan kale ee isla socda: عَظْمَ وَزَن قَارِء ذِي غَضَّ جِدَّ طَلَب .

2-الشدّة والرخاوة Adkeynta iyo jilcidda:

Xarfaha adkeynta waa xarfahan sideedka ee isla socda: أُجِدُّ قَطٍ بَكَّتْ .

Xarfaha u dhexeeya adkeynta iyo jilcidda waa shantan xaraf ee isla socda: لِنُ عُمَرُ .
Xarfaha jilcidda waa xarfahan kale:

ح، خ، ذ، ز، ث، س، ش، ا، ص، ض، و، غ، ف، هـ، ي

3- الاستعلاء والاستفال: Xarfaha weyneynta iyo xarfaha fududeynta

Xarfaha weyneynta waa todobo, waana kuwan iyagoo isla socda: خُصَّ ضَعُطٌ قِظٌ .
Xarfaha fududeynta waa xarfahan kale ee isla socda: ثَبَّتَ عَزٌّ مِّنْ يُجَوِّدُ حَرْفَهُ إِذْ سَلَّ شَكَا .

4- الإطباق والانفتاح: Carab ku qabashada dhabxanaga marka xarafka lagu dhawaaqayo iyo carab ka qaadidda

Xarfaha carab ku qabashada dhabxanagga waa: ص، ض، ط، ظ .
Xarfaha carab ka qaadidda dhabxanagga waa xarfaha kale ee harsan.

5- الإصمات والإذلاق: Xarfaha aqrintooda ay fudud tahay iyo kuwa ay adag tahay

Xarfaha aqrintooda ay fudud tahay waa lixdaan xaraf oo isla socda: فر من لب.

Xarfaha aqrintooda ay adag tahay waa xarfaha alif ba'da kale ee harsan.

Fiiro gaar ah: Astaamaha aynu soo sheegnay qaar waa kuwa adag qaarna waa kuwa jilicsan.

- 1) **Astaamaha adag** waa kor u qaadidda xarafka الجهر , adkeynta الشدة, weyneynta الاستعلاء, carab ku qabashada dhabxanaga الاطباق, xarfaha aqrintooda ay adag tahay الاصمات, xarfaha saddaxda ah ee leh cod u eg codka shimbirta "siis" الصفير, xarfaha isku qasma marka la aqrinayo الفقلقة, waa marka xarafka carabka madaxiisa dib loogu aqriyo التكرير, waa xarafka oo loogu dhawaaqo sidii xaraf kale الانحراف, waa marka lagu dhawaaqayo xarafka shiinka codkiisa التفشي, waa marka lagu dhawaaqayo xarafka ضاد ka codkiisa الاستطالة.
- 2) **Astaamaha jilicsan** waa hoos u dhigidda xarafka الهمس , xarafka oo si jilicsan loo aqriyo الرخاوة, xarafka oo si fudud loo

aqriyo الاستفال, carab ka qaadidda
 dhabxanaga marka xarafka lagu
 dhawaaqayo الانفتاح, xarfaha aqrintooda ay
 fudud tahay الاذلاق, xarafka oo loogu
 dhawaaqo si fudud اللين.

Sh) Xeerar kale:

- 1) الروم: Waa codka oo hoos loogu dhigayo shaqalka (godka iyo hoosdhowga), intuu codka ka yaraanayo, oo uu maqli karo markaasi qof dhow uun, maxaa yeelay ma dhameystirno.
- 2) الاشمam: waa isku qabashada labada dibnood wax yar ka dib reebka dabadeedna dibnaha inta la iskuqabto ayaa xoogaa yar la feydayaa si loo neefsado, mana ogaan karo qof maqlaya mooyee.
 Waxaana nuunka loogu aqrinayaa hadalka Eebbe kor ahaaye:
 { يَا أَبَانَا مَا لَكَ لَا تَأْمَنَّا عَلَىٰ يُوسُفَ } [يوسف: 11]
 adigoo ka tegaya shaqalka nuunka koowaad: تأمننا.

1) ”Koox” السكّات Hakimo

”Keli” السكت Hakinta waa aqrinta Qur’aanka oo la hakiyo iyadoon la neefsaneyn muddo labo shaqal ah. Waxaa waajib ah in la hakiyo afar jeer aqriska Qur’aanka marka loo aqrinayo aqrinta Xafsa: Hadaladiisii Eebbe kor ahaaye:

1. {وَلَمْ يَجْعَلْ لَهُ عِوَجًا * قِيَمًا لِيُنذِرَ بَأْسًا...} [الكهف: 1-2].
2. {قَالُوا يَا وَيْلَنَا مَنْ بَعَثَنَا مِنْ مَرْقَدِنَا هَذَا مَا وَعَدَ الرَّحْمَانُ} [يس: 52].
3. {وَقِيلَ مَنْ رَاقٍ} [القيامة: 27].
4. {كَلَّا بَلْ رَانَ عَلَى قُلُوبِهِمْ مَا كَانُوا يَكْسِبُونَ} [المطففين: 14].

5. Waana la ogol yahay aayaddan

{ ما أغنى عني ماليه * هلك }

labada qaab in la hakiyo iyo in la iskuqabto.

الحمد لله الذي بنعمته تتم الصالحات

Waxaa mahad iska leh Eebbe kaa soo galaddiisu ku dhamaadaan wanaagyaalku

